

БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ

ДОМ НАРОДА  
ПРЕДСТАВНИЧКИ ДОМ

Зajедничка комисија за административне послове



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE

DOM NARODA  
PREDSTAVNIČKI DOM/ZASTUPNIČKI DOM

Zajednička komisija za administrativne poslove  
Zajedničko povjerenstvo za administrativne poslove

Број/Број: 03/5-50-1-11-38,3/10  
Sarajevo/Сарајево, 29.10.2010.

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 09-11-2010			
Organizaciona jedinica	Klasifikaciona oznaka	Redni broj	Broj priloga
03/5-	34-6-	1137-1/10	

B

**ODLUKA**  
**O NAČINU OBRAČUNA PLAĆA I OSTALIH MATERIJALNIH PRAVA**  
**POSLANIKA I DELEGATA U PARLAMENTARNOJ SKUPŠTINI BOSNE I**  
**HERCEGOVINE**  
**(PREČIŠĆENI TEKST)**

**SARAJEVO, oktobar 2010.**

Na osnovu člana 27. Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-25,3/09, od 8.4.2009., sekretar Zajedničke komisije za administrativne poslove Parlamentarne skupštine Bosne i Hercegovine sačinio je Prečišćeni tekst Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-25,3/09, od 8.4.2009.

Prečišćeni tekst Odluke, broj: 03/5-50-1-11-25,3/09, od 8.4.2009., o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine obuhvata: Odluku Zajedničke komisije za administrativne poslove Parlamentarne skupštine Bosne i Hercegovine, broj: 03/5-50-1-11-27,4/09, od 15.6.2009., o izmjeni Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-25,3/09, od 8.4.2009.; Odluku Zajedničke komisije za administrativne poslove Parlamentarne skupštine Bosne i Hercegovine, broj: 03/5-50-1-11-28,8/09, od 11.9.2009., o izmjenama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-25,3/09, od 8.4.2009., i Tumačenje Zajedničke komisije za administrativne poslove Parlamentarne skupštine Bosne i Hercegovine, broj: 03/5-50-1-11-31,6/09, od 11.11.2009., za primjenu člana 15. stav (1) i člana 21. Odluke o načinu obračuna plaća i ostalih materijalnih prava poslanika i delegata u Parlamentarnoj skupštini BiH (prečišćeni tekst), broj: 03/5-50-1-11-25,3/09, od 8.4.2009., u kojima je navedeno koje se odredbe mijenjaju, dopunjavaju ili kako treba da se tumače prilikom primjene, te vrijeme njihovog stupanja na snagu.

Na osnovu člana 58. stav (1) tačka a) Poslovnika Predstavničkog doma Parlamentarne skupštine Bosne i Hercegovine ("Sl. glasnik BiH", br. 33/06, 41/06, 81/06, 91/06, 91/07 i 87/09) i člana 52. stav (1) tačka a) Poslovnika Doma naroda Parlamentarne skupštine Bosne i Hercegovine ("Sl. glasnik BiH", br. 33/06, 41/06, 91/06 i 91/07), Zajednička komisija za administrativne poslove Parlamentarne skupštine Bosne i Hercegovine, na 38. sjednici održanoj 29.10.2010., verificirala je

## **ODLUKU**

### **o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (PREČIŠĆENI TEKST)**

#### **1. OSNOVNE ODREDBE**

##### **Član 1.**

Ovom odlukom utvrđuju se način obračuna plaća, iznos plaća i druga materijalna prava poslanika i delegata u Parlamentarnoj skupštini Bosne i Hercegovine, uključujući i naknade za: odvojeni život, topli obrok, troškove prijevoza na posao i s posla, godišnji odmor, otpremninu, slučaj smrti, bolovanje, korištenje hotelskog i privatnog smještaja, te u slučaju prestanka mandata.

## 2. PLAĆE I NAČIN OBRAČUNA PLAĆA

### Član 2.

Plaća poslanika i delegata u Parlamentarnoj skupštini BiH utvrđuje se prema koeficijentima složenosti i odgovornosti poslova.

### Član 3.

Koeficijenti za obračun plaća predsjedavajućih, zamjenika predsjedavajućih, predsjedavajućih radnih komisija, predsjedavajućih klubova Doma naroda, Predstavničkog doma, poslanika i delegata su:

Dužnost	Koeficijent
Predsjedavajući i zamjenici predsjedavajućih	8,70
Predsjedavajući radnih komisija oba doma i predsjedavajući klubova Doma naroda i Predstavničkog doma	8,50
Poslanici i delegati u Parlamentarnoj skupštini Bosne i Hercegovine	8,40

### Član 4.

(1) Osnovnu plaću poslanika i delegata čini osnovica za obračun plaće pomnožena s koeficijentom iz člana 3. Odluke.

(2) Osnovica za obračun plaće utvrđena je članom 7. Zakona o plaćama i naknadama u institucijama Bosne i Hercegovine ("Sl. glasnik BiH", br. 50/08).

(3) Plaća poslanika i delegata uvećava se za svaku započetu godinu radnog staža za 0,50%, s tim da ukupno povećanje ne može biti više od 20%.

(4) Poslanik, odnosno delegat koji nije u stalnom radnom odnosu u Parlamentarnoj skupštini BiH ima pravo na razliku plaće ukoliko mu je plaća manja u matičnoj organizaciji u kojoj je stalno zaposlen. Razlika plaće isplaćuje se na osnovu potvrde o visini zarade za svaki mjesec posebno, koju poslanik, odnosno delegat predaje Odjelu za računovodstvo i finansije

(5) Plaća se isplaćuje unazad, jednom mjesečno.

## 3. MJESEČNI PAUŠAL

### Član 5.

(1) Poslaniku i delegatu za obavljanje poslaničke i delegatske dužnosti pripada mjesečni paušal bez obzira na radnopravni status.

(2) Visina paušala utvrđuje se množenjem osnovice plaće koeficijentom 1,50.

#### 4. NAKNADA ZA ČLANOVE KOMISIJA

##### Član 6.

(1) Poslaniku, odnosno delegatu, članu komisije, radne grupe, ekspertnog tima i slično, osnovanih na osnovu zakona, odluke domova ili kolegija domova Parlamentarne skupštine BiH za učešće u radu komisije, radne grupe, ekspertnog tima i slično pripada naknada utvrđena zakonom, odnosno ovom odlukom.

(2) Poslanik, odnosno delegat ima pravo na novčanu naknadu iz stava (1) ovog člana ako je radio van sjedišta Parlamentarne skupštine BiH i ako rad nije u okvirima redovnog obavljanja poslova i zadataka poslanika, odnosno delegata.

(3) Mjesečna naknada iz stava (1) ovog člana za rad u komisiji, radnoj grupi, ekspertnom timu i slično utvrđuje se množenjem osnovice plaće koeficijentom 1.

(4) Poslanik, odnosno delegat ima pravo na naknadu utvrđenu stavom (1) ovog člana samo za period u kojem je obavljao poslove i zadatke utvrđene aktom nadležnog organa, odnosno zakonom.

(5) Početak rada u komisiji, radnoj grupi, stručnom timu i slično utvrđuje se odlukom nadležnog organa, a završetkom rada smatra se momenat predaje izvještaja, nalaza, mišljenja ili drugog akta nadležnom organu.

(6) U slučaju da nadležni organ ne prihvati izvještaj, nalaz, mišljenje ili drugi akt i vrati ga komisiji, radnoj grupi, stručnom timu i sl. na ponovno razmatranje, kao dan početka rada uzet će se dan kad je nadležni organ vratio predmet na ponovno razmatranje, a završetkom rada momenat predaje novog izvještaja, nalaza, mišljenja ili drugog akta nadležnom organu.

(7) Realizaciju odluka iz st. (5) i (6) ovog člana prati Sektor za opće poslove Sekretarijata Parlamentarne skupštine BiH.

(8) Ukupan iznos novčanih naknada koje u skladu s odredbama ovog člana poslanici i delegati prime za jedan mjesec na ime rada u: ad hoc komisijama, radnim grupama te ekspertnim timovima ne može preći iznos naknade obračunat množenjem osnovice plaće koeficijentom 2.

(9) Ako se komisija osniva na osnovu zakona, a zakonom nije ništa rečeno o naknadi za rad u komisiji, naknada će biti isplaćena u skladu s odredbama ove odluke.

(10) Poslaniku, odnosno delegatu koji učestvuje u radu komisije, radne grupe, ekspertnog tima i slično, osnovanih na osnovu zahtjeva institucije Bosne i Hercegovine, naknadu za njegov rad isplaćuje institucija Bosne i Hercegovine u skladu s odlukom Vijeća ministara BiH.

(11) Imenovanim stručnjacima i svjedocima za potrebe komisija Parlamentarne skupštine BiH pripada naknada koja se utvrđuje množenjem osnovice koeficijentom 0,50. Ovako utvrđena naknada primjenjivat će se do njenog utvrđivanja propisom Vijeća ministara BiH u skladu sa zakonom.

(12) Licima iz stava (11) ovog člana pripada pravo na dnevnice, te naknadu troškova prijevoza i smještaja.

(13) Evidenciju o prisustvu vodit će sekretari komisija.



## **5. NAKNADA ZA ODVOJENI ŽIVOT**

### **Član 7.**

(1) Poslancima i delegatima, koji ostvaruju prava iz radnog odnosa u Parlamentarnoj skupštini BiH, a žive i rade van mjesta prebivališta njihove porodice koje je udaljeno više od 50 km, pripada naknada za odvojeni život od porodice u iznosu od 400 KM mjesečno.

(2) Poslancima i delegatima, koji ostvaruju pravo iz stava (1) ovog člana, pripada i pravo na zakup stana u visini do 500 KM mjesečno.

(3) Poslanik i delegat, koji ostvaruje prava iz stava (1) ovog člana, nema pravo na dnevnice i putne troškove vezane za učešće u radu sjednica domova i komisija i ima pravo, do četiri puta mjesečno, na naknadu troškova prijevoza za posjetu porodici.

(4) Predsjedavajući domova i zamjenici predsjedavajućih domova Parlamentarne skupštine BiH koji imaju na raspolaganju službeno vozilo nemaju pravo na naknadu troškova prijevoza za posjetu porodici.

(5) Zajednička komisija za administrativne poslove donosi odluku o svakom pojedinačnom zahtjevu.

(6) Za učešće u radu sjednica domova, komisija domova, kao i ostalih sjednica vezanih za poslove Parlamentarne skupštine BiH, poslanici i delegati koji ne koriste pravo utvrđeno ovim članom imaju pravo na hotelski smještaj u hotelima koji su izabrani na tenderu.

## **6. NAKNADA ZA TOPLI OBROK**

### **Član 8.**

(1) Novčana naknada za ishranu tokom rada (topli obrok) za poslanika i delegata koji ostvaruje prava iz radnog odnosa u Parlamentarnoj skupštini BiH utvrđuje se u skladu sa Zakonom o plaćama i naknadama u institucijama Bosne i Hercegovine ("Sl. glasnik BiH", br. 50/08).

(2) Poslaniku i delegatu ne pripada naknada za ishranu za dane kad je odsutan s posla po osnovu službenog puta, godišnjeg odmora ili bolovanja.

(3) Evidenciju o službenom putu, godišnjem odmoru, bolovanju i slično poslanika u Predstavničkom domu i delegata u Domu naroda Parlamentarne skupštine BiH vode sekretari domova, a potpisuje je sekretar Zajedničke službe Sekretarijata Parlamentarne skupštine BiH.

## **7. NAKNADA ZA PRIJEVOZ**

### **Član 9.**

(1) Poslanici i delegati koji su u profesionalnom radnom odnosu u Parlamentarnoj skupštini BiH imaju pravo na naknadu troškova prijevoza na posao i s posla u visini mjesečne karte prijevoza.

(2) Pravo iz stava (1) ovog člana ne pripada poslanicima i delegatima koji za dolaske na sjednice naplaćuju putne troškove.

(3) Poslanicima i delegatima, čije je mjesto prebivališta udaljeno više od 50 km od sjedišta Parlamentarne skupštine BiH, a za dolaske na sjednice koriste vlastito vozilo, pripada naknada u visini od 20% cijene litre benzina (95 oct) po pređenom kilometru.

(4) Poslanicima, odnosno delegatima iz stava (1) ovog člana ne pripada pravo na naknadu troškova prijevoza na posao i s posla u visini mjesečne karte prijevoza kada se nalaze na bolovanju preko 30 dana.

## **8. NAKNADA ZA GODIŠNJI ODMOR**

### **Član 10.**

Poslanik i delegat, koji ostvaruje prava iz radnog odnosa u Parlamentarnoj skupštini BiH, ima pravo na regres za godišnji odmor u skladu sa Zakonom o plaćama i naknadama u institucijama Bosne i Hercegovine.

## **9. NAKNADA ZA OTPREMNINU**

### **Član 11.**

Poslanik ili delegat, koji ostvaruje prava iz radnog odnosa u Parlamentarnoj skupštini BiH, ima pravo na otpremninu prilikom odlaska u penziju u visini svojih šest ostvarenih netoplaća, isplaćenih u prethodnih šest mjeseci ili šest prosječnih mjesečnih netoplaća iz prethodne godine u Bosni i Hercegovini, ako je to za njega povoljnije.

## **10. NAKNADA U SLUČAJU SMRTI, TEŠKE INVALIDNOSTI ILI BOLESTI**

### **Član 12.**

(1) U slučaju smrti poslanika ili delegata, koji je ostvarivao prava iz radnog odnosa u Parlamentarnoj skupštini BiH, njegovoj porodici isplaćuje se jednokratna novčana pomoć u visini šest prosječnih netoplaća u Bosni i Hercegovini utvrđenih na način propisan članom 7. stav (1) Zakona o plaćama i naknadama u institucijama Bosne i Hercegovine.

(2) Članom uže porodice u smislu stava (1) ovog člana smatraju se bračni i vanbračni supružnik, djeca (bračna, vanbračna, usvojena, pastorčad i dijete bez roditelja uzeto na izdržavanje) i roditelji-otac, majka, očuh, maćeha, usvojlac i hranilac.

(3) U slučaju teške povrede na radu poslanika ili delegata, teške bolesti i invalidnosti poslanika ili delegata ili člana njihove uže porodice i smrti člana uže porodice poslanika ili delegata isplaćuje se jednokratna novčana pomoć u visini tri prosječne mjesečne netoplaće u Bosni i Hercegovini utvrđene na način propisan članom 7. stav (1) Zakona o plaćama i naknadama u institucijama Bosne i Hercegovine.

(4) Po osnovu teške invalidnosti, pravo na jednokratnu novčanu pomoć iz stava (3) ovog člana ostvaruje se za utvrđeni stepen invalidnosti od najmanje 60%.

(5) Teškom bolešću smatra se bolest koja se nalazi na listi teških bolesti nadležne entitetske zdravstvene ustanove za ocjenu radne sposobnosti radnika.

(6) Pravo na jednokratnu novčanu pomoć iz stava (3) ovog člana po osnovu jedne teške bolesti utvrđene stavom (5) ovog člana može se ostvariti samo jednom za vrijeme provedeno na radu u institucijama Bosne i Hercegovine.

(7) Ukoliko poslanik, odnosno delegat ili član njegove uže porodice u međuvremenu oboli od druge teške bolesti ili doživi recidiv, kao što je drugi srčani ili moždani udar i slično, ima pravo na jednokratnu novčanu pomoć utvrđenu stavom (3) ovog člana.

(8) Teška bolest, odnosno invalidnost dokazuje se na osnovu dijagnoze utvrđene od strane ovlaštenog lica zdravstvene struke, odnosno zdravstvene ustanove koja ne smije biti starija od šest mjeseci, te ocjenom medicinske dokumentacije od strane nadležne entitetske zdravstvene ustanove za ocjenu radne sposobnosti radnika.

(9) Izuzetno, ukoliko je potrebna hitna klinička terapijska intervencija utvrđena od ljekarskog konzilija, na zahtjev Kolegija Zajedničke komisije za administrativne poslove, Vijeće ministara BiH može posebnom odlukom odobriti iz tekuće rezerve refundaciju troškova kliničkog liječenja poslanika, odnosno delegata ili člana njegove uže porodice.

(10) Refundacija troškova kliničkog liječenja iz stava (9) ovog člana isključuje pravo na naknadu utvrđenu stavom (3) ovog člana.

(11) Zahtjev iz stava (9) ovog člana Kolegij Zajedničke komisije za administrativne poslove, odmah po izdavanju, uputit će na verifikaciju Zajedničkoj komisiji za administrativne poslove.

(12) Na kraju svake kalendarske godine Kolegij Sekretarijata podnosi Zajedničkoj komisiji za administrativne poslove izvještaj o isplaćenim naknadama utvrđenim ovim članom.

## **11. NAKNADA ZA BOLOVANJE**

### **Član 13.**

Poslanici i delegati, koji ostvaruju prava iz radnog odnosa u Parlamentarnoj skupštini BiH, pravo na naknadu za vrijeme privremene spriječenosti za rad ostvaruju u skladu sa Zakonom o plaćama i naknadama u institucijama Bosne i Hercegovine.

## **12. NAKNADA U SLUČAJU PRESTANKA MANDATA**

### **Član 14.**

(1) Poslanici i delegati koji ostvaruju prava iz radnog odnosa u Parlamentarnoj skupštini BiH po prestanku mandata imaju pravo na naknadu plaće 12 mjeseci danom prestanka mandata, i to po koeficijentu za obračun plaće koji su u momentu isteka mandata ostvarivali, bez prava na povećanje koeficijenta, ukoliko do njega dođe.

(2) U slučaju smrti poslanika ili delegata, koji ostvaruje pravo utvrđeno stavom (1) ovog člana, njegovoj porodici isplaćuje se jednokratna novčana pomoć u visini šest prosječnih mjesečnih netoplaća u Bosni i Hercegovini utvrđenih na način propisan članom 7. stav (1) Zakona o plaćama i naknadama u institucijama Bosne i Hercegovine.

(3) Danom prestanka mandata smatra se dan polaganja zakletve.

(4) Poslanicima i delegatima koji zasnuju radni odnos kod drugog poslodavca u vrijeme dok koriste pravo iz stava (1) ovog člana prestaje pravo na naknadu plaće danom zasnivanja radnog odnosa.

(5) Danom polaganja zakletve svi poslanici i delegati stiču pravo na koeficijent za obračun plaće poslanika i delegata koji će se primjenjivati do izbora novog rukovodstva doma, predsjedavajućih klubova poslanika i naroda, te predsjedavajućih komisija domova.

(6) Pravo iz stava (1) ovog člana ne ostvaruju poslanici i delegati koji imaju status penzionera, odnosno poslanici i delegati koji su umirili radni odnos.

(7) Poslanicima i delegatima koji su umirili radni odnos kod poslodavca prestaju sva prava po osnovu radnog odnosa u Parlamentarnoj skupštini BiH danom konstituiranja novog saziva domova.

(8) Rješenja o profesionalizaciji radnog odnosa u Parlamentarnoj skupštini BiH poslanicima i delegatima novog saziva do konstituiranja Zajedničke komisije za administrativne poslove donosi kolegij svakog doma Parlamentarne skupštine BiH, odnosno ako nisu izabrani članovi kolegija, rješenja o profesionalizaciji donosi privremeni predsjedavajući sjednica doma.

(9) Rješenja iz stava (8) ovog člana verificirat će Zajednička komisija za administrativne poslove na prvoj konstituirajućoj sjednici, odmah nakon izbora predsjedavajućeg te prvog i drugog zamjenika predsjedavajućeg.

### **13. NAKNADE U SLUČAJU PRESTANKA MANDATA PRIJE ISTEKA VREMENA NA KOJE JE IZABRAN POSLANIK ILI DELEGAT**

#### **Član 15.**

(1) Ukoliko poslanik ili delegat koji ostvaruje prava iz radnog odnosa u Parlamentarnoj skupštini BiH podnese ostavku, mandat u Parlamentarnoj skupštini BiH prestaje mu danom podnošenja ostavke.

(2) Poslaniku ili delegatu kojem je prestao radni odnos po osnovu iz stava (1) ovog člana pripada pravo na naknadu plaće i ostale naknade obračunate u skladu s ovom odlukom do dana podnošenja ostavke.

#### **Član 16.**

Ukoliko poslanik ili delegat koji ostvaruje prava iz radnog odnosa u Parlamentarnoj skupštini BiH umre, njegovim nasljednicima isplatit će se, u skladu s ovom odlukom i pravosnažnom sudskom presudom, naknada plaće i ostale naknade obračunate do dana smrti poslanika ili delegata.

#### **Član 17.**

(1) Ukoliko poslanik ili delegat koji ostvaruje prava iz radnog odnosa u Parlamentarnoj skupštini BiH bude pravosnažnom presudom osuđen na kaznu zatvora u trajanju od šest mjeseci ili duže prestaje mu mandat u Parlamentarnoj skupštini BiH danom kad je presuda postala pravosnažna.

(2) Poslaniku ili delegatu kojem je prestao radni odnos po osnovu iz stava (1) ovog člana pripada pravo na naknadu plaće obračunate u skladu s ovom odlukom i zakonom, bez prava na povećanje koeficijenta, ukoliko do njega dođe.



(3) Poslanik ili delegat kojem je prestao mandat u skladu sa stavom (1) ovog člana gubi danom donošenja odluke jednog od domova pravo na naknade plaće (topli obrok, naknada za prijevoz i dr.), kao i ostale naknade utvrđene ovom odlukom, a koje je poslanik ili delegat ostvarivao po osnovu radnog odnosa i mandata u Parlamentarnoj skupštini BiH.

#### **Član 18.**

(1) Ukoliko poslanik ili delegat koji ostvaruje prava iz radnog odnosa u Parlamentarnoj skupštini BiH bude pravosnažnom presudom lišen poslovne sposobnosti prestaje mu mandat u Parlamentarnoj skupštini BiH danom kad je presuda postala pravosnažna.

(2) Poslaniku ili delegatu kojem je prestao radni odnos po osnovu iz stava (1) ovog člana pripada pravo na naknadu plaće u skladu s ovom odlukom i zakonom.

#### **Član 19.**

(1) Ukoliko poslanik ili delegat koji ostvaruje prava iz radnog odnosa u Parlamentarnoj skupštini BiH bude izabran ili imenovan na dužnost čije je obavljanje nespojivo s dužnošću poslanika ili delegata, i kao takvo predviđeno zakonom, prestaje mu mandat u Parlamentarnoj skupštini BiH danom imenovanja na dužnost koja je nespojiva s dužnošću poslanika ili delegata.

(2) Poslaniku ili delegatu kojem je prestao radni odnos po osnovu iz stava (1) ovog člana pripada pravo na naknadu plaće i ostale naknade obračunate u skladu s ovom odlukom i odlukom o prestanku mandata u Parlamentarnoj skupštini BiH.

#### **Član 20.**

(1) Ukoliko poslanik ili delegat koji ostvaruje prava iz radnog odnosa u Parlamentarnoj skupštini BiH:

a) u periodu od najmanje dvije godine prestane biti registriran da glasa u izbornoj jedinici u kojoj je izabran;

b) iz razloga utvrđenih zakonom izgubi pravo da bude biran;

prestaje mu mandat u Parlamentarnoj skupštini BiH danom nastupanja razloga za prestanak mandata.

(2) U slučaju iz stava (1) ovog člana, poslaniku ili delegatu pripada pravo na naknadu plaće i ostale naknade obračunate u skladu s ovom odlukom i odlukom o prestanku mandata u Parlamentarnoj skupštini BiH.

### **14. PRIJELAZNE I ZAVRŠNE ODREDBE**

#### **Član 21.**

Poslanici i delegati koji istovremeno obavljaju više dužnosti u Parlamentarnoj skupštini BiH mogu imati primanja samo po jednom osnovu, i to prema njihovom opredjeljenju.

## Član 22.

(1) O pravima utvrđenim ovom odlukom odlučuje Zajednička komisija za administrativne poslove.

(2) Protiv odluke iz stava (1) ovog člana nije dozvoljena žalba, ali se može pokrenuti spor pred Sudom BiH.

## Član 23.

(1) U članu 15. stav (1) Odluke o načinu obračuna plaća i ostalih materijalnih prava poslanika i delegata u Parlamentarnoj skupštini BiH (prečišćeni tekst), broj: 03/5-50-1-11-25,3/09, od 8.4.2009., pod "prestankom mandata" podrazumijeva se redovan prestanak mandata, odnosno istek mandata izabranom zvaničniku nakon proteka perioda na koji je izabran.

(2) U članu 21. pod "prestankom mandata" podrazumijeva se prestanak mandata po sili zakona kako je to utvrđeno članom 1.10. Izbornog zakona Bosne i Hercegovine ("Sl. glasnik BiH", br. 23/01, 20/02, 25/02 – ispravka, 4/04, 20/04, 52/05, 65/05 – ispravka, 77/05, 24/06, 32/07, 33/08 i 37/08), i protumačeno od Centralne izborne komisije BiH u članu 2. stav (2) Uputstva za primjenu člana 1.8. stav (4) Izbornog zakona Bosne i Hercegovine ("Sl. glasnik BiH", broj 91/06).

(3) U članu 21. stav (2) pod "poslaniku ili delegatu pripada pravo na naknadu plaće i ostale naknade obračunate u skladu s ovom odlukom i odlukom o prestanku mandata u Parlamentarnoj skupštini BiH" podrazumijeva se obračun plaće i ostalih naknada do dana prestanka mandata po sili zakona, odnosno dana utvrđenog pravosnažnom odlukom nadležnog organa. S obzirom da se radi o prestanku mandata po sili zakona, a na osnovu pravosnažne odluke Centralne izborne komisije BiH gdje su sva pravna sredstva iscrpljena pred Sudom Bosne i Hercegovine, to poslaniku ili delegatu ne pripada pravo na naknadu plaće utvrđeno članom 15. stav (1) Odluke o načinu obračuna plaća i ostalih materijalnih prava poslanika i delegata u Parlamentarnoj skupštini BiH (prečišćeni tekst), broj: 03/5-50-1-11-25,3/09, od 8.4.2009., jer se radi o prestanku mandata po sili zakona, a time i prestanku radnog odnosa po sili zakona, odnosno krivicom zaposlenog.

## Član 24.

Svi zahtjevi poslanika i delegata Parlamentarne skupštine BiH kojima se traži jednokratna novčana naknada u slučaju teške invalidnosti ili bolesti poslanika, odnosno delegata ili člana njegove uže porodice, a podneseni su do stupanja na snagu Odluke, broj: 03/5-50-1-17-7-6/07, od 18.12.2007., o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-17-3-19/06, od 21.6.2006., rješavat će se u skladu s odredbama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7, 02/3-50-1-17-3-19/06, od 21.6.2006. godine.

## Član 25.

Izmjene i dopune ove odluke vrše se na način i po postupku za njeno donošenje.

## Član 26.

Nakon dvije ili više izmjena i dopuna ove odluke, sekretar Zajedničke komisije za administrativne poslove Parlamentarne skupštine BiH sačinit će prečišćeni tekst ove odluke i dostaviti ga Zajedničkoj komisiji za administrativne poslove na verifikaciju.



Predsjedavajući  
Zajedničke komisije za administrativne poslove  
Ekrem Ajanović